

EXPOSITIONES
^{Coram}
EMINENTISSIMO DOMINO
ELECTORE
MOGUNTINO


^A
Sacrae Regiae Maiestatis
POLONIAE & SUECIAE
Alegato
D. ANDREA OLSZOWSKI &c.
verbo & scripto facta.

Francofurti ad Moenum 18. Maij.



M. DC. LVIII.

Bior H. Bukowskiego 412/1738



Exponit Ablegatus Regis Poloniae



On posse satisfactam reddi Regiam Majestatem Poloniae & Suecie,
quod Collegium Electorale Epistolam nuper adhortatoriam de-
derit ad Regem Suecie Possessorem, de pace cum Polonis faciendâ.
Est ampliùs quod desideratur, & quo tendit memoriale nomi-
ne dictæ Regiæ Majestatis Poloniae porrectum, id est.

I.

Ut dignoscatur: Suecos contra Pacem Universalem Monasteriensem bel-
lum Poloniae intulisse; occasione sumpta ex irruptionibus in Livoniam & Pome-
raniam (id enim reale quasi factum Polonicum, & pro fundamento videtur justi-
tiæ Suecobellicæ, reliquis planè mentalibus, ac plerisque; potiùs omissi quàm com-
missi prætensionibus) quibus & similibus querelis, causis, non causis, silentium
perpetuum indictum est per inclusionem Regis Poloniae instrumento dictæ Pa-
cis, & comprehensionem Amnestiæ generali.

II.

Ut cum ex Pomerania & aliis provinciis Imperii bellum cœperit, & hucusq;
continuetur, S. Romani Imperii Electores tanquam Pacis Custodes, setidò & effi-
caciter inhibeant hostilitatem ex illa provinciâ. Quid enim iniquius? quàm li-
cere hostibus ex Pomerania in Poloniam irrumpere, ac eodem sese attritis viri-
bus tanquam ad Asylum recipere: Polonis è contrâ, & eorum colligatis Austria-
co & Brandeburgico, ne persequendo hostem bellum ex Polonia transferant, ac
par pari retalien, Majestatem Imperii obtendi.

III.

Ut supplementa & delectus Suecorum, & pro Sueco, in Provinciis & Ci-
vitatibus Imperii prohibeantur. Videre enim est in hac ipsâ Civitate Franco-
furtensi, præsentibus & conniventibus Sacri Romani Imperii Electoribus, mili-
tem in dies colligi, atq; Suecorum in castra deduci.

Si dicatur: jûs esse & libertatem Germanorum, cuius militiæ nomina dare
(si tamen congruè id fiat, & servatis servandis secundum leges Imperii) idq; favo-
rabile non tam Suecis quàm Germanis; cur Polonis odiosum sit, auxilia defen-
siva à fœderatis & adherentibus suis evocasse? Nostris stipendiis, nostrâ annonâ
militem Germanicum retinere? & quare injuriæ ducant Sueci, quod illis licet,
d ipsum Nobis & pro Nobis, pari modo licere?

IV. Cum

IV.

Cum per Provincias Sacri Romani Imperii Liber tractus militi Sueco in Poloniam concedatur, cur non eadem Polonis ac eorum fœderatis libertas de jure æqualitatis competat.

V.

Serenissimus Elector Brandenburgicus revocatur ab executione fœderis cum Polonis sanciti, promittitur ejus Serenitati guarantia, in quantum Suecus Brandenburgicas ditiones impetierit. Unde animadvertitur, id consilii esse, ut Germaniâ tranquillè agente, sola Polonia centrum, & theatrum sit bellicæ calamitatis. Id equidem non alienum est ab ordinatò suimet magis quam proximi amore, minime tamen in hoc puncto conquereremur, si Suecia contra Poloniam bellaret: sed cum pomerania aliæq; ditiones Imperiales sese bello immisceant & involvant, certè aut præcaveri debet, ne quid contra Polonos ex dictis provinciis attentetur, aut pari modo securitas & guarantia nobis præstanda est ab Imperio, in quantum Sueci ex provinciis Imperij, ac viribus & delectibus provinciarum Imperialium, Poloniam impeterent.

Ad extremum: planè videtur Poloniæ curam minore loco haberi, neq; fortè subire animos S. Romani Imperii Electorum, quid rei Catholicæ, quid Germaniæ aliquando periculi, nobis perditis, immineat. Pacem enim utcunq; ore præferant Sueci, pacem æquam, honestam, securam, optamus magis quàm speramus. Edocti sumus Suedicarum artium, cum aliàs, tum anno præterito apud Gedanum, ubi intervenientibus & invitantibus Gallicis & Hollandicis Legatis pax proponebatur. Hæc pollicitatio, & speciosum nomen tractandæ pacis, Regiam Majestatem Polonia Urbi Gedanensi cum Exercitu admoverat. Magna spes videbatur transactionis, vicinis inter se Regibus, & facili ad concludendum commercio. Utq; Orbi & toti Reipublicæ Polonæ, testatum faceret, S. Regia Majestas Dominus meus Clementissimus animû suum ad pacem propensum, declaravit prior & ultro per Supremum Regni Cancellarium D. Comitem Korycienski intentionem suam memoratis DD. Legatis. Clarè, candidè, sine ambagibus & tricis quibusvis, maxima Suecis concedendo. Quæ facilitas declarationis Regiæ non speratæ, admirationi fuit ipsismet DD. Legatis. Fidem eorum desuper appello.

Deindè, cum ad reprimeadum Rakocium Gedano discederetur, nè tùm quidem relictâ penitus pacis curâ, hortatu præcipuè Legatorum Christianissimi Regis, dati, & relictî in eadem urbe fuerunt à Rege & Senatu Polono cum potestate amplissimâ Commissarii plenipotentarii ad tractandum, Illustres Viri, D.

Episcopus Varmiensis, Palatinus Mariæburgensis, Gedanensis, & Culmenfis,
Castellani, Senatorii omnes Ordinis.

Aderat tum præsens in aula Polonâ D. de Lisola, Imperatoris Divæ me-
moræ Ferdinandi Tertiî Minister, tot scriptionibus Suedicis frustra exagitatus,
neque tamen declarationi, ac Commissioni prædictis, obistere valuit, aut
voluit.

Eidem postremò fini sinceroq; pacis studio, ac imprimis interpositæ au-
thoritati Serenissimi Electoris Saxonæ (vicinâ licet tùm, & proclivi ad patien-
dum quidvis hostile Pomeraniâ) concessum erat, ut miles noster irruptione seve-
rè prohibitâ, in Castris apud Gedanum, durâ hyeme, & dispendio incredibili ha-
beretur, & coërceretur.

Nihilominus, uno eodemq; tempore Suecus ostentatione tractatum cum
Polono luser, cum Moscho agitavit, cum Transylvano conclusit, & barbarie om-
ni sedibus suis emota, in viscera Regni penetrando, junctisq; viribus cum Ra-
kocio, Cosacis, Valachis, Moldavis, Poloniam magno rumore
Pacificationis propè securam, ferro & igni ex-
vissimè afflixit.

